

Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. II. Alia difficultaa expeditur

[urn:nbn:de:hbz:466:1-77355](#)

alba lilia; Martyres palmas, juxta illud Apocal. 7. *Amicti stolis albis, & palme in manibus eorum;* & Doctores virides ramos: nihil enim vetat, quominus cœlestis claritas illas efformet varietates.

ARTICVLVS IV.

De fructibus Beatorum, & quomodo ab Aureolis distinguantur?

S. RÆTER Aureolas, ad accidentalem beatitudinem pertinet etiam Fructus Spiritualis, seu Evangelicus, qui per metaphoram & similitudinem ad fructum materialem multipliciter B dicitur. Primo enim ratione dulcedinis sumitur pro Dei fruitione, quæ in via, vel in patria reficimur, ut imperfècte, vel perfectè habet rationem ultimi: fructus enim materialis est ultimum arboris, & terminus virtutis ejus. Secundò sumitur pro actionibus virtuosis, ex quarum operatione mens etiam sincera delectatione reficitur, sed non per modum ultimi; & hoc modo sumitur fructus ab Apostolo ad Galat. 5, ubi hujusmodi fructus duodecim enumerantur, scilicet *Charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas.* Tertio sumitur, ut est quoddam veluti commodum ex labore agricultura expéctatum; quod sensu loquens Apostolus ad Romanos 6. *Habetis (inquit) fructum vestrum in sanctificationem, finem vero vitam eternam.* Quartò tandem sumitur secundum quod ex bono quasi semine in terra benè disposita, in minori vel majori quantitate consurgit: ad quod alludens Christus Matth. 13, dicit: *Semen cecidit in terram bonam, & aliud dedit fructum centesimum, aliud sexagesimum, aliud trigesimum.* Et de fructu in hac ultima acceptance agimus in præsenti: qui definitur à D. Thoma in Suppl. qu. 96. art. 2. *Præmium quoddam accidentale homini debitum, ex hoc quod ex carnali vita in spiritualem transit,* ad modum quo ex terreno semine fructus consurgit. Tria autem queri possunt de illo. Primum utrum differat ab Aureola, & quomodo? secundum, an soli virtuti continentiæ debeat? Tertium, utrum secundum tres continentiæ partes, tres etiam fructus convenienter assignentur?

S. I.

Prima difficultas resolvitur.

DIco primò: Fructus Evangelicus realiter differat ab Aureola. Ita D. Thomas in 4. dist. 49. qu. 5. art. 2. quæstiunc. 1. Scottus ibidem & alij.

Probatur primò conclusio: Fructus consistit in gaudio quod habetur de ipsa dispositione operantis, secundum spiritualitatis gradum, in quem proficit ex semine verbi Dei: Aureola, verò, in gaudio de operum perfectione percepto: Sed haec duas rationes distinguuntur realiter; nam prima habet rationem viae, tendentiae, & progressus; secunda rationem finis: Ergo Fructus Evangelicus realiter differt ab Aureola.

Probatur secundò: Quæ possunt separari realiter, distinguuntur realiter: Sed Aureola, & Fructus possunt separari realiter, & de facto se-

parantur, ut patet in viduis, quibus debetur Fructus, non tamen Aureola: Ergo realiter distinguuntur.

Tertiò: Fructus, & Aureola diversis divisionibus incompossibilibus dividuntur: Ergo distinguuntur realiter. Consequentia patet, probatur Antecedens: Nam Aureola dividuntur in Aureolas Martyrum, Doctorum, & Virginum: Fructus verò in Fructus Conjugatorum, Viduarum, & Virginum; quæ divisiones, saltem duæ ultimæ, sunt incompossibilis; & de tertia statim explicabitur: Ergo Fructus Evangelicus realiter differt ab Aureola.

Dices: Eadem merito non debentur diversa præmia: Sed idem est meritum Virginum: Ergo non debent ei correspondere duo præmia, Aureola scilicet & Fructus.

Respondeo distinguendo Majorem: secundum idem, concedo: secundum diversa, nego: sic enim non solum unicum præmium, sed etiam tria eidem virginitati competere possunt: nam prout imperatur à charitate, correspondet ei gloria essentialis; prout est opus habens rationem excellentis victorie, Aureola; quatenus verò si per illam à carnalitate ad spiritualitatem transitus, Fructus, etiam centesimus, ut dicit glossa super locum Matthæi citatum, & afferunt D. Hieronymus contra Jovinianum, Beda in caput 8. Lucæ, & alij.

S. II.

Alia difficultas expeditur.

DIco secundò: Fructus trigesimus, sexagesimus, & centesimus, licet diversis rebus accommodari possit, speciali tamen ratione competit virtuti continentia.

Probatur prima pars: Nam locus ille Matthei exponitur à D. Augustino libro de sancta virginitate cap. 45. & 46. & à D. Thoma in Matth. cap. 13. de gloria essentiali, juxta modum incipientium, proficientium, & perfectorum: vel etiam ab eodem Augustino lib. i. quæstiunc. 1. Evangelicarum qu. 9. 10. & 11. de Conjugatis, Virginibus, & Doctoribus: à Theophilacto, D. Anselmo, & D. Gregorio, de vita activa communis, de vita contemplativa, & de vita mixta perfectè exercita: & tandem à D. Remigio, relato à D. Thoma in catena aurea, de bona cogitatione, de bona locutione, & de bono opere. Item Ecclesia in Hymno laudum S. Joannis Baptista, qui fuit Virgo, Doctor, & Martyr, tres istos fructus, Virginitati, Doctoratu, & Martirio ejus accommodat, dum canit:

*Serta ter denis alios coronant
Aucta clementis, duplicita quosdam;
Trina centenō cumulata fructu,
Te sacer ornant.*

E Atqui haec SS. Patrum, & Ecclesiæ expositiones non possunt non esse legitimæ: Ergo, &c.

Probatur secunda pars, quæ est communis, ratione D. Thomæ: Fructus Evangelicus illi virtuti præcipue correspondet, quæ hominem specialiter à carnis corruptione liberat, eumque efficit spiritualem: Sed hoc præcipue continentia competit: Ergo distinctione illa Fructus Evangelici in trigesimum, sexagesimum, & centesimum, speciali ratione competit virtuti continentia. Major declaratur: nam Fructus Evangelicus oritur ex semine Evangelico, quod est verbum Dei, cuius proprium est carnales homines

63.

64.

65.

in spirituales & divinos convertere; ac proinde Fructus Evangelicus illi virtuti propriè debetur, qua homines magis à carnis corruptione liberat, & facit spirituales, sive quae magis terram cordis nostri disponit, ut à carnalitate ad spiritualitatem transeat. Minor vero probatur primò auctoritate Christi Matth. 22. In resurrectione neque nubent, neque nubentur, sed erunt sicut Angelii Dei in celo: quo loco ex privatione delectationum carnalium inferunt Angelicam spiritualitatem. Secundò probatur ratione: quia homo præcipue carni subiectus per venereas delectationes, ita ut in actu carnali, nec spiritus prophetæ corda Prophetarum tangat, ut docet D. Hieronymus, nec sit posse sibile aliquid intelligere; eo quod per illum ratio totaliter absorbeat, ut afferit Philosophus 7. Ethic. cap. 14. Ergo virtutis continentia præcipue competit hominem à delectationibus carnalibus abstrahere, eumque efficere spiritualem.

64. Dices: Fructus correspondet labori, juxta il-
lud Sap. 3. *Bonorum laborum gloriofus est fructus.* Sed major est labor in aliis virtutibus, v.g. in ponendo modum per abstinentiam & sobrietatem in cibis & potibus, sine quibus vita non potest transfigi, sicut potest sine delectationibus carnis, vel in fortitudine ad vincendos labores, & passiones: Ergo potius illis virtutibus debet correspondere fructus, quam continentia.

65. Respondeo secundum, sub ratione fructus, non tam correspondere labori, quam fructificationi, ad quam continentia magis disponit, quam abstinentia: nam delectationes quas ista reprimit, non ita absorbent rationem, quam delectationes venereas, nec consequenter tantum impediunt fructificationem. Idem dico de laboribus & passionibus, quarum insultus minus opponunt illi fructificationi, quam opera carnis. Unde licet in illa victoria, Fructus sub ratione mercedis, & præmij essentialis, possit esse gloriofior, non tamen sub hac speciali ratione fructificationis.

S. III.

Tertia difficultas elucidatur.

Dico tertio: Convenienter distinguntur tres continentiae partes, scilicet Conjugatum, Viduarum, & Virginum: quibus Fructus trigeminus, sexagenimus & centesimus correspondet.

Probatur prima pars ratione D. Thomæ. Per continentiam homo separatur ab operibus carnis, & in quandam spiritualitatem transit: Atque tribus tantum modis potest ab illis per continentiam separari: Ergo &c. Probatur Minor: Vel enim illa separatio fit per continentiam omnino necessariam, vel per superabundantem? Si per necessariam, solum est continentia coniugatorum, qui delectationibus carnis secundum rationem ententes, spiritus rectitudinem non pervertunt: Si per superabundantem, vel est ita superabundans, ut omnino homo ab hujusmodi delectationibus abstrahatur, & respetu cuiuslibet temporis, praesentis, præteriti, & futuri; & sic est continentia & spiritualitas Virginum: vel solum secundum aliquod tempus, & sic est continentia & spiritualitas Viduarum. Ergo tribus tantum modis à voluntatibus carnis abstrahitur, ac proinde tres tantum dantur continentiae partes.

Tom. III,

Probatur secunda pars ex similitudine seminantis: Nam regulariter grana in terra pingui seminata, pro uno triginta reddunt; in anno abundantissima sexaginta, in feracissimo centum: quod licet raro contingat, de facto tamen aliquoties evenit; ut conitat Genesis 26. ubi dicitur: *Servit Isaac in terra illa, & invenit in ipso anno centuplo.* Sed Conjugati frequentiores sunt quam Viduae; & ha Virginibus, utpote rarissimis, comparatione aliorum: Ergo fructus trigeminus correspondet continentiae conjugali, sexagenimus viduali, & virginali centesimus.

Objicies primò: Fructus nominat aliquod præmium speciale, quod non convenit omnibus Beatis, sicut nec Aureola: Sed tres fructus assignati convenient omnibus Beatis; cum omnes sub tribus illius continentiae partibus comprehendantur; sunt enim vel conjugati; vel vidui, quatenus sub istis continentur etiam non conjugati, vel Virgines: Ergo non debent sic assignari.

Respondeo primò, negando Majorem. Nullum enim est inconveniens, quod aliquod accidentale præmium sit omnibus Beatis commune, sicut essentiale.

Respondeo secundò, negando Minorem: Personantes enim in fine vita, qui usque ad illam periodum incontinenter vixerunt, sub nullo illo statuum continentur.

Objicies secundò: Sicut viduitas excedit continentiam conjugalem, ita virginitas viduitatem: Sed sexagenarius non excedit æqualiter trigenarium, comparativè ad centenarium; si quidem sexagenarius excedit trigenarium in triginta solum, exceditur vero in quadraginta à centenario: Ergo inconveniens est illa accommodatione.

Respondeo cum S. Thoma in Suppl. qu. 96. art. 4. ad 3. quod distinctione fructuum magis accipitur secundum species & figuram numerorum, quam secundum quantitates ipsorum: tamen etiam quantum ad quantitatis excessum, potest aliquaratio assignari: Conjugatus enim abstinentiam à non sua: Vidua vero à suo & non suo; & sic inveniuntur illi quadam ratio dupli, sicut sexagenarius est duplex ad trigenarium: centenarius vero supra sexagenarium additum quadrigenarium, qui consurgit ex ductu quaternarij in denarium. Quaternarius autem est primus numerus solidus & cubicus, & sic convenientialis additionis virginitatis, qua supra perfectionem viduitatis, perpetuam incorruptionem adjungit.

DISPUTATIO VI.

De aedificatione Beatitudinis.

Ad questionem 5. Divi Thome.

PAVCA circa hanc questionem occurrit dicenda: quæ enim hic aliqui de possibiliitate, appetitu, & inæqualitate beatitudinis inserunt, in tractatu de visione fuere à nobis exposita. Unde sit.